



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm IX. Quòd clericis.

[urn:nbn:de:hbz:466:1-62587](#)

communiter hic docent, Innocentius, Imola, Abbas, Alexander, quod furtum aut quilibet fraus commissa a laico in bonis clericis sit mixti fori, ideoque reus sub utroque iudice conueniri possit, & detur locus praeventioni. Verum nullus canon afferri potest, quo id decernatur de bonis proprijs clericorum, ergo statim regulâ utroque foro recepta, quod actor forum rei sequi debeat, quod etiam in plerisq; regnis pro confuetudine receptum est, ut testatur Coarruuias in praet. quest. c. 10. n. 1.

³ His adde, tametsi communiter receptum sit, quod sacrilegium sit mixti fori, ut vide-re est apud Farinacium in praxi q. 8. n. 132. Clarum q. 37. n. 6. quia tamen in ciuilis foro furtum rei non consecratae, tametsi ad Ecclesiam pertineat, vel in Ecclesia existat, inter sacrilegij crimina numerari non solet, hinc est, quod eiusmodi criminis cognitionem aduersus laicum ferme magistratus secularis, tanquam propriam, vendicet: sed non recte, ut ex hoc capitulo apparet, & ex cit. c. conquestus, immo vero in quibusdam regnis neque de propriè dicto sacrilegij criminis, v.g. si laicus calicem sacrum ex Ecclesia suturet, permittunt Ecclesiasticum iudicare, ut testatur Clarus n. 6.

⁴ ADVERTE IV. Cum iudex Ecclesiasticus in crimen mixti fori v. g. Clerici percussione aut furto rei sacrae aduersus laicos iudiciale cognitionem habeat, sequitur, quod reum citare, capere, incarcereare, eundem condemnare, ac pecuniâ aliquâ poenam conuentientibus multatate possit, ut hic docet Felin. n. 18. & certum esse id oportere tradit Coarruuias in praet. q. c. 10. n. 2. ut contraria opinio defendi nequeat, quia alioquin iurisdictio elusoria esset, si iudex reum constrin gere & multatate non possit: nihilominus Clarus docet, quod iudex Ecclesiasticus, videlicet Episcopus, in crimen mixto v. g. sacrilegio contra laicum procedere tantum possit ad censuras sine captura aut carcere, quamobrem Clarus n. 47. ait, quod in hoc casu non detur locus praeventioni, neq; unus iudex alterum impedit, quia uterque procedere potest aduersus reum, Ecclesiasticus

per censuram, secularis ad poenam fiscalem aut publicam. Sed huic doctrinæ repugnat textus huius capituli, cum Pontifex æquiperret iudicem Ecclesiasticum & secularem, & dicat in electione auctoris esse, coram quo contendere malit, alioquin haec crimina non effent mixti fori, cum id omnibus mortalibus commune sit, ut Praelatus per viam denuntiationis procedendo satisfactionem impone-re possit criminoso, tuncque reluctantem per censuras compellere etiam præmissâ cognitione iudiciali, quandoquidem excommunicatio, aliâue censura inferri non potest a iudice Ecclesiastico, nisi prius citata parte, & cognita causa, sicuti hic docet Abbas. n. 9.

CAPITVLVM IX.

Quod clericis.

PARAPHRASIS.

Cælestinus III. scribens ad Iudices Ecclesiasticos mandat eis, ut non patientur clericos Parisijs commorantes ad iudicium seculare trahi, cum id sacris canonibus repugnet, si clerici contra aliquos, vel aliqui contra illos etiam in causis ciuilibus seu pecuniarijs controuersiam habent, ea in foro Ecclesiastico secundum ius canonicum decidatur.

SUMMARIUM.

1. Causa non tantum criminales, sed etiam ciuiles seu reales, quas vel clerici interesse, vel laici aduersus clericos instituunt, coram Ecclesiastico, non seculari iudice tractande sunt.
2. Si clericus laico litem mouat coram iudice seculari circa ea, que pertinent ad ordinem procedendi, seu lites ordinacionis, Clericus seruare debet leges & consuetudines fori secularis, in quo litigatur, modo rationabiles sint, nec libertati ecclesiastica repugnant.
3. Circa decisionem causæ iudex in foro seculari etiam agente clericu, vel Ecclesia contra laicum indicat secundum leges seculares, salua tamen exemptione & libertate ecclesiastica.

NO T A N D V M Vn. Causæ non tantum
criminales, sed etiam ciuiles seu reales,
quæ vel clerici inter se, vel laici aduersus cle-
ricos instituant, coram Ecclesiastico non
seculari iudice tractari debent, ita arbitror
intelligenda esse verba huius c.

QUÆRYNT Canonistæ cum Gl. vñ. ali-
quid, si clericus laico litem moueat coram
Iudice seculari, utrum eadecienda sit secundum
leges & consuetudines fori secularis, an
canonici? Respondeo & Dico I. Circa ea
quæ pertinent ad ordinem procedendi seu
litis ordinationem, clericus seruare debet
leges & consuetudines fori secularis, in quo
litigatur, modo rationabiles sint, nec libertati
Ecclesiasticae repugnant. Ita Hostiensis
in summa de confuet. n. 12. Imola, Abb. n.
10. & c. seq. n. 14. vbi generalem regulam
tradit, quod in preparatorijs & ordinatorijs
iudicij seruandæ sunt leges loci, in quo iu-
risdictione exercetur. Et Gl. in Clem. dispen-
diosam, ver. vsuris, de iudicij, vbi ait, quod
Papa non potest iudicarij ordinem fori
secularis tollere, quamobrem clericus agens
contra laicum, libellum offerre debet, cau-
tio-
nem præstare, ferias & tempus instantiæ li-
tis seruare, sicuti in foro ciuili exigitur, quæ
admodum & vice versa laicus in foro Eccle-
siastico litigans eiusdem leges seruare tene-
tur. Vide quæ docet Baldus, & quæ dixi in
c. Ecclesia, 10. de constitut. vbi similiter di-
ctum est, si clericus contractum celebret, vel
testamentum condat in loco subiecto secula-
ri Magistratui, quod eiusdem loci leges &
consuetudines rationabiles seruare debeant.

Dico II. Quod attinet ad decisionem
causæ, Iudex in foro seculari etiam agente
clericu vel Ecclesiæ contra laicum iudicat
secundum leges seculares, saluâ tamen exem-
ptione & libertate Ecclesiasticæ. Ita Gl. &
Imola l. c. Declaratur exemplis. Si clericus
in foro ciuili agat contra laicum ad præstan-
da sibi legata ex testamento minùs solemnii,
v.g. non habente testes, in tali casu iudicabi-
tur contra clericum secundum leges ciuiles,
quippe quibus clericus etiam obligatur, ut
dixi in cit. c. Ecclesia, & lib. 1. Th. mor. tr.
4. c. 13. Sin autem Ecclesia in foro seculari

petat legata ex testamento minùs solemnii,
iudicari debet non secundum ciuiles leges,
quia causa Ecclesiæ in hac re priuilegiata est
seu exempta, sed secundum ius naturale & ca-
nonicum, vti dixi lib. 3. Th. mor. tr. 5. c. 2.
Sed & vice versa, si clericus vel laicus contra
clericum agat in foro seculari circa materiam
profanam, plerumq; iudicabitur secundum
ciuiles constitutiones, v.g. si quis à clericis
emptore prædiū iure propinquitatis retrahere
velit iuxta ea, quæ dixi in c. constituti. 8,
de in integrum restitut. Item si quis à clericis
exigat legata ex testamento minùs solemnii,
repellendus erit iuxta sanctiones imperiales,
licet spectato iure canonico ea solemnitas
v.g. tantus testium numerus non requiratur.

Neque obstat his responsio huius capitu-
li, quod iudex Ecclesiasticus causas clericorum
canonico iure definire debeat, cùm e-
nim ius canonicum leges ciuiles, quæ irra-
tionabiles non sunt, admittat, & à clericis
quoque obseruari velit, c. 1. de noui operis
nuntiat. satis conuenienter iuri canonico
Index ciuiles causas decidit, quando partes
ad obseruationem legum ciuiliū compellit.

CAPITVLVM X.

Licet.

P A R A P H R A S I S.

Laici quidam Vercellenes declinantes ciu-
tatis suæ consules, super causis tempora-
libus literas à Papa quandoque impetrâ-
runt. Qua de re apud Innocentium III.
questi sunt consules, is autem scribit Ver-
cellensi Episcopo, vt si contigerit tales à
laicis literas impetrari, eas irritas esse de-
clarent, dummodo consules parati sint con-
querentibus iustitiam exhibere: si verò
accidat, eos, qui causas suas & querelas
ad tribunal seculare deferunt, à consulibus
grauari, tum illis liceat, sicut ha-
stenus consuetum fuit, ad Episcopum,
aut, si malint, ad Papam appellare,
& præsertim eo tempore, cùm vacante
imperio ij, qui à iudicibus oppri-
muntur, ad superiorum magistratum re-
cursum